



საქართველოს მთავრობის განკარგულება

№97 2015 წლის 2 თებერვალი ქ. თბილისი

შპს „მთის კურორტების განვითარების კომპანიის“ მიერ სახელმწიფო შესყიდვების გამარტივებული შესყიდვის საშუალებით განხორციელების შესახებ

1. „სახელმწიფო შესყიდვების შესახებ“ საქართველოს კანონის 10¹ მუხლის მე-3 პუნქტის „დ“ ქვეპუნქტის შესაბამისად, სახელმწიფოებრივი და საზოგადოებრივი მნიშვნელობის ღონისძიებების შეზღუდულ ვადებში შეუფერხებლად განხორციელების მიზნით, შპს „მთის კურორტების განვითარების კომპანიამ“ (საიდენტიფიკაციო კოდი: №215096367) გამარტივებული შესყიდვის საშუალებით განახორციელოს საქონლის, მომსახურების და სხვადასხვა სამუშაოს შესყიდვა, რომელიც დაკავშირებულია:

ა) დაბა გუდაურსა და დაბა ბაკურიანში „დიდველზე“ არსებული საბაგიროების, დახრილი ლიფტისა და გონდოლის გამართული მუშაობისათვის საჭირო სათადარიგო ნაწილების ტექნომომსახურებასა და ტექნიკური დათვალიერების და აღნიშნულ ღონისძიებებთან დაკავშირებით

თანამშრომელთა კვალიფიკაციის ასამაღლებლად საჭირო მომსახურებასთან, რომელთა შესყიდვის სავარაუდო ღირებულება გეგმიური სამუშაოების ჩასატარებლად შეადგენს დაახლოებით 300000 (სამასი ათასი) ლარს;

ბ) დაბა გუდაურსა და დაბა ბაკურიანში „დიდველზე“ არსებული საბაგროების გამშვები სისტემის გამართულად მუშაობისათვის და ექსპლუატაციისთვის საჭირო სათადარიგო ნაწილების, დამშვები სისტემის მონაცემების უწყვეტად მიღებასთან, ტექნიკური მომსახურების, ბილეთებისა და პროგრამული პაკეტების, მარკეტინგული საშუალებების გამართვის და აღნიშნულ ღონისძიებებთან დაკავშირებით თანამშრომელთა კვალიფიკაციის ასამაღლებლად საჭირო მომსახურებასთან, რომელთა შესყიდვის სავარაუდო ღირებულება გეგმიური სამუშაოების ჩასატარებლად შეადგენს დაახლოებით 300000 (სამასი ათასი) ლარს;

გ) დაბა გუდაურსა და დაბა ბაკურიანში „დიდველზე“ არსებული თოვლსატკეპნი მანქანებისთვის (სპეცტექნიკისთვის) და თოვლმავლებისთვის (ბურანებისთვის) საჭირო სათადარიგო ნაწილების და ტექნომსახურების და აღნიშნულ ღონისძიებებთან დაკავშირებით თანამშრომელთა კვალიფიკაციის ასამაღლებლად საჭირო მომსახურებასთან, რომელთა შესყიდვის სავარაუდო ღირებულება გეგმიური სამუშაოების ჩასატარებლად შეადგენს დაახლოებით 160000 (ასამოცი ათასი) ლარს;

დ) დაბა გუდაურსა და დაბა ბაკურიანში „დიდველზე“ თოვლის პარკის მოწყობის მიზნით განსახორციელებელ საპროექტო და სამშენებლო სამუშაოებთან, რომელთა შესყიდვის სავარაუდო ღირებულება შეადგენს დაახლოებით 20000 (ოცი ათასი) ლარს;

ე) დაბა გუდაურსა და დაბა ბაკურიანში „დიდველზე“ შეჯიბრებების ჩასატარებლად არსებული გამშვები სისტემის გამართულად მუშაობისათვის და ექსპლუატაციისთვის საჭირო სათადარიგო ნაწილებთან ტექნიკური მომსახურების და სპორტული ატრიბუტების შეძენასთან, რომელთა შესყიდვის სავარაუდო ღირებულება შეადგენს დაახლოებით 20000 (ოცი ათასი) ლარს.

2. „სახელმწიფო შესყიდვების შესახებ“ საქართველოს კანონის 21-ე მუხლის მე-4 პუნქტისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული წესის მე-19 მუხლის მე-12 პუნქტის შესაბამისად, ამ განკარგულების პირველი პუნქტით გათვალისწინებულ შესყიდვასთან დაკავშირებით გასაფორმებელი ხელშეკრულებების მიმართ არ გავრცელდეს ამავე ბრძანებით დამტკიცებული წესის მე-19 მუხლის მე-7 პუნქტით დადგენილი მოთხოვნები.

პრემიერ-მინისტრი



ირაკლი ღარიბაშვილი